

und Nicolaus so lange für excommunicirt zu erklären, bis sie Gehorsam geleistet und ihre Schandthat gesühnt haben. Avignon, den 28. März 1357.

*Innocencius Episcopus* seruus seruorum dei dilectis filiis sancti agricolae *auinionens.* et *helygenstadens.* decanis ac cantori sancte *Marie Erfordensis* Moguntinensis dyocesis ecclesiarum Salutem et apostolicam benedictionem Peticio dilecti filij *Wolframi de Nellenburg preceptoris fratrum* et domorum hospitalis sancte *Marie Theutonicorum* Jerosolomitani in *almania* consistencium nobis exhibita continebat quod olim pro parte ipsius preceptoris nobis exposito (?) quod *henricus senior* dictus *aduocatus* dominus *opidi plawe Nuemburgensis dyocesis* omnibus et singulis sibi in eodem opido subiectis sub pena quinque librarum *halensium* duabus vicibus per suum preconem publice interdixerat ne aliquis eorum in ecclesia parrochiali dicti opidi que predicto hospitali et fratribus dicti hospitalis prefati preceptoris obedienciarijs erat prout existit cononice uinta (??) minus quam vnum florenum auri offerret propterea oblationes plebano dicte ecclesie et fratribus dicti hospitalis in ipsa ecclesia virtutum domino seruiantibus in festis precipuis debitas et in aliis eciam diebus pro viuis et mortuis fieri consuetas saltem indirecte fieri prohibuerat et insuper eisdem subiectis sub pena corporis et Rerum inhibuerat ne quis ipsorum predicti hospitalis fratribus panem vinum ceruisiam carnes oua vel pisces seu aliquid aliud venderet aut aliqua ipsis obsequia exhiberet et cum nonnullis suis in ea parte complicibus res dicte ecclesie et domus predicti hospitalis in eodem hospitali consistentes manu armata inuaserat ac fratribus ipsius domus equos boues porcos et oues ad domum eandem spectantes uiolenter abstulerat et per *Nycolaum de Cuswicz* laycum *Scultetum* dicti opidi pro eodem *heinrico* et plures alios suos in hac parte complices fratres predictos de dictis domo et ecclesia uiolenter eiecerat et amouerat ipsosque omnibus censibus prouentibus redditibus decimis decimacionibus iuribus et pertinenciis vniuersis ad ecclesiam et domum predictas spectantibus et tam eos quam eciam dictum hospitale ecclesia et domo predictis ac vniuersis et singulis rebus suis mobilibus et immobilibus tam sacris quam prophanis quos [!] in ecclesia et domo huiusmodi tunc habebant spoliauerat et huiusmodi spoliacione mox facta per omnes et singulas carenas dicti opidi sub pena corporis et rerum [per] predictum preconem publice prohibuerat ne quis prelibatos fratres in suum hospicium reciperet vel eis esculenta aliqua seu poculenta venderet ac eciam amore